

Рамазон ойида Қуръонни хатм қилишни мақсад қилинг!



12:00 / 10 марта 4635

Рамазон ойида Қуръони Каримни хатм қилиб чиқиши мақсад қилинг! Агар сиз аввал хатм қилмаган бўлсангиз, интернетда жуда кўп қориларнинг Қуръони Каримни ўқиган аудиолари бор. Буни билмайдиган одам деярли бўлмаса керак. Шуларни топиб, қўчириб олинг. Бир бошидан эшитишга киришинг! Қори бир оятни ўқийди, сиз китобдан у ўқиган оятни кузатиб турасиз. Оят тугагач, тўхтатиб, ўзингиз ўқийсиз. Сизга яна ҳозирги кунда кенг тарқалаётган ручкали Қуръонлар ҳам ёрдам беради. Ундан ҳам худди шундай фойдаланасиз.

Астойдил бўлсангиз, кунига бир порадан, яъни 20 саҳифадан эшитиб борсангиз, бир ойда энг камида Роббимизнинг Каломини бир маротаба хатм қилиш баҳтига мусассар бўласиз. Агар ғайрат қилиб, кунига 2 пора, яъни 40 саҳифа ўқисангиз, бир ойда 2 маротаба хатм қиласар экансиз. Агар вақтингиз кўп бўлиб, савоб умидида, вақтингиздан унумли фойдалансангиз ва кунига 3 пора, яъни 60 саҳифадан ўқисангиз, бир ойда Қуръони Каримни 3 маротаба тугатишга муваффақ бўлар экансиз. Ҳар 10 кунда 1 маротаба Қуръон хатм қилинган бўлади. Машааллоҳ! Бу нақадар баҳт! Албатта бошланишида бундай баҳтга қориларнинг тиловатлари билан эришасиз. 2-3 марта эшитиб тугатсангиз, иншааллоҳ, 4-5-

марталарида ўзингиз хатм қиласиз!

Мұхим эслатма

Мен ўқишда қийналаман, хатога йўл қўяман, бу Аллоҳ таолонинг Каломига нисбатан одобсизлик бўлади, деб қайғурманг! Сизнинг ўқишдан мақсадингиз нима? Уни бузиб ўқиши? Йўқ, албатта. Шундай экан, хато қилишдан қўрқманг!

Тўғри ўқиши учун хатолардан йироқ бўлишингиз керак. Хатолардан холи бўлиш учун Қуръони Каримни қайта-қайта ўқишинингиз керак! Мусҳафни бардавомлик билан ўқиб бориш, аудиолардан фойдаланиб, дикқат билан кузатиш, эшитиш натижасида илк ўқишда йўл қўйилган хатолар камайиб боради. Қанча кўп ўқиб, хатм қилиб борганингиз сари моҳир ўқувчига айланиб борасиз. Бироқ, хато қиласман, ўқий олармиканман деб ўтирангиз, йиллар ўтаверади, айниқса, сиз ҳали ҳам Роббингиз Каломини бирор марта хатм қилмаган бўласиз. Шундай экан, ҳозироқ ўқишига киришинг!

Тавсия

Катта устозларимиз Қуръони Каримни эшитиб, кузатиб боришка шайх Мұхаммад Сиддиқ Миншавий, шайх Абдулбосит Абдуссонад, шайх Халил Хусорий роҳимаҳумуллоҳдек зотларнинг тиловатларидан фойдаланишни тавсия қиласилар.

Унутманг!

Қуръондан бир саҳифа ўқисангиз, ўрта ҳисобда, 5000 ҳасанот ёзилади. Агар бир пора ўқисангиз, 100 000 ҳасанот ёзилади. Бордию, Қуръонни хатм қилиб чиқсангиз З миллион ҳасанот ёзилар экан! Бу айтилган гап Рамазон ойидан бошқа ойларда бериладиган савоблар эди. Ана энди Рамазон ойида бунга қанчалик савоб берилар экан-а?! Бошқа ойда бир амалга 10 баробар савоб ёзилса, Рамазон ойида 70 баробар қилиб ёзилади. Ихлосингизга қараб у зиёда бўлаверади. Субҳаналлоҳ!

Қадрдоним, дангасаликни бир четга суриб савоблар ишлаб олишга киришинг!

«Рамазон соғинчи» китоби асосида тайёрланди